

集類
摭目卷百六十七著錄

元周伯琦撰

近光集三卷
扈從詩一卷

欽定四庫全書提要

近光集三卷 扈從詩一卷

江蘇巡撫
孫進本

元周伯琦撰伯琦有六書正論已著錄當順帝時伯琦以文章知遇出入禁廷因別哀錄所作為此二集近光集乃後至元八年庚辰由國史院編修擢翰林脩撰同知制誥至正元年辛巳為授經郎經筵譯文官二年壬午為簾內官四年甲申陞監書博士五年乙酉改崇文監丞迄於出為海北廣東道肅政廉訪使凡五年之詩扈從詩則至正十二年壬辰由翰林直學士兵部侍郎拜監察御史扈從上京之作也近光集中述朝廷典制為多可以備掌故扈從詩中記

邊塞聞見為詳可以考風土而伯琦文章淹雅亦足以摹寫而敘述之溯元季之遺聞者此二集與楊允孚樂京百詠亦畧具梗概矣

總纂官臣紀昀 陸錫熊 臣孫士毅
總校官 臣陸費墀

近光集序

士君子生乎盛時有文學材藝以結知於明季詞章洋溢於館閣議論敷颺於朝廷所謂昭代偉人盛福全美者也梧桐生矣于彼高岡鳳凰鳴矣于彼朝陽拳拳萋萋離離喑喑吾嘗於故老大臣卷阿之詩誦之噫古之聖賢屯艱險難者多矣千載一時之遇所以為難得者哉集在延祐間與故集賢學士鄱陽周公有同朝之好道義相激昂忠厚相敦尚非一日之契也今觀其嗣子伯溫近光集備述至元至正所以蒙被

恩遇之盛司憲南海錄以為書萬里之外一食不敢忘君於戲盛哉惜乎吾集賢公教忠之勤培德之遠而不得

以喬年耆德觀其碧梧翠竹之聳壑昂霄也雖然歲時
燕享俎豆彝鼎神明來歆則亦有以大慰其心者矣集
踰七望八頽然山林亦豈不欣言故人之有子而用世
之有人也昔集賢公執帝王遺書以奉

仁皇帝之清燕不盡其用以待其子發明家學事

聖孫彌文熙洽之朝蓋三十年于茲矣風會雲合豈偶然
哉烏乎世篤忠孝以承國家之福澤於無量此耄叟所
望於契家入門者也雍虞集伯生甫書

今天子在位之八年當至元庚辰之歲斥大姦進群才一新治化時伯琦繇國史院編修官選擢翰林撰修同知制誥扈從大駕上京兩視草大廷遂以非才簡知主上既而詔奉香酒以仲秋上丁代祀曲阜宣聖廟還上命篆追上

明宗皇帝尊號玉寶書祝版陪禮

太室三賜衣幣是年十有一月三日建宣文閣又

詔篆題閣榜及閣寶明年改元至正^正月二十日

特命為授經郎復置經筵又命兼經筵譯文官先是

授經郎學舍在宮門外隘陋弗稱於是旨以玉德

宮之西殿為學

上親選宿衛官及勲戚子弟年二十以下者三十人為弟子員受業閣下大官具膳留守供帳皆出

上命是年復科舉取士制中書檄考試上都還進講賜金織對衣及青貂裘又明年廷試選為簾內官

上御宣文閣試弟子員稱旨面賜中統鈔五千貫弟子員各繡衣材一襲入則通籍出則給傳又二年陞監書博士仍兼經筵兩頒璽書以示其異尋又命攝授經郎以教宮學是後日侍講讀歲兩有衣幣之賜今年秋七月八日進講洪範

上御慈仁殿特命改崇文監丞參檢校書籍事旬日又命兼經筵參贊官賜卮酒兩頒璽書如前制中臺以

憲府重選宜用近臣廼奏拜廣東憲僉 陛辭之日

上猶眷眷大臣以便養為言乃允官給上駟驛行而南中
塗少暇遂及文墨竊念先臣昔為

仁英兩朝說書厯官清華嘗有撰製後二十年而伯琦又
幸際

今上世守其職蓋叨祿於 朝者一紀而在館閣者十年
侍內廷班講席者五閱寒暑自惟積誠不至燭理不明
不能有所感動裨益然觀

聖上議禮考文任賢使能日昃憇然與堯舜同德湯武同
心職在論思千載一逢非假文辭何以示久故自入侍
至今凡拜恩寵陪典禮奉制棘承顧問侍游從則有紀

述歌詠所以揄揚

上德抒達下情庶幾詩人天保之意辭體俚近取於適時
固不敢儼於前代作者然當茲禮樂大興之日躬侍
九重挹清光其可以蕪鄙自少而使 朝廷之盛美有
闕先臣之遺業無傳乎於是次其歲月彙為一編題之
曰近光集置諸篋中時而觀之身雖江湖舉頭見日
天子之光咫尺也抑著出入之迹而犬馬之情思有以自
效云至正五年歲乙酉九月廿四日朝散大夫僉海北
廣東道肅政廉訪司事鄱陽周伯琦伯溫自序

周翰林近光集卷第一

元

鄱陽周伯琦伯溫甫著

歲庚辰四月廿七日

車駕北巡次大口有

旨伯琦以編修官陞除翰林修撰同知制誥兼國史院編修官明日署事扈從上京

乘輿清暑記初詔選文臣扈從行三字亭水街儒服貴千
年汗簡史家名下掄葑菲慙庸學再上蓬瀛荷聖情風動
四方皆典訓馬班彝語更爭衡

過居庸關二首

崇關天險控幽燕萬疊青山百道泉絕壁雲霞龕佛像連
屢雞黍聚人烟炎涼頃刻成殊候華夏於今共一天我欲



登臨窮勝槩西風五月倍凄然

關南關北四十里玉壘珠閣限兩京列隊龍旂明輦路重
屯虎衛肅天兵桑麻旆旆村無警榆柳青青塞有程却笑
燕然空勒石萬方今日盡昇平

龍門

宣化府志龍門山在龍門關西三十里山上有關此即龍門山自唐迄今名龍門
名此山此得名山下王僧即古知微

兩山屹立地望尊天作上京之南門雷雨低垂銀漢近蛟
龍出沒碧濤翻層崖雲合泉聲冷陰壑氷森晝影昏自是
職方形勢大祝融太白總籬藩

次韻王師魯待制史院題壁二首

大安御閣勢岩亭華闕中天壯上京虹繞金隄暗浪細龍
蟠粉堞翠岡平象星拱北乾坤大萬國朝元日月明分署

玉堂清似水簫韶時聽鳳凰聲
宿有周廬侯有亭興王規制陋西京日明草色千川碧雲
接松林萬里平寶軫薰風閣闕肅清臺午漏泰階明小臣
職在論思木日向庭前驗鵲聲

宮詞

畫閣香銷暮雨晴珠簾半捲遠山明蒲萄初醒羅衣薄枕
上鷓鴣弦撥不成

木難火齊當纏頭貼地金蓮步欲羞露濕銀床人語靜蟾
宮九夏是中秋

巫山隱約寶屏斜朝著重綿畫著紗徙倚牙牀新睡足一
瓶芍藥當荷花

宋蔡文廷里鞋事賦日
波瑤瓶一瓶可得十餘
善其色必南方柿汁味
無緣得身年

耶律鑄雙溪醉後
長春苦藥詩注
和林多樂夏至前
後始感

楊維禎遊橫澤記
至正辛亥三月每移
出園門抵橫澤登
顧次園吳姓茂苑
也木芍藥有半開者
曰御愛黃云

寶鑑當窓促曉粧
金莖玉露奉君王
菊花如錦秋風近
願似中間御愛黃

苑路東西草色遙
闌干曲曲似飛橋
水晶殿外檐鈴響
疑是鑾輿蚤散朝

上京雜詩十首

皇圖基正統
朔易建神京
地厚南坡暖
天低北斗明
禁垣金聳閣
朝市石為城
盛業超前古
侯王作幹楨
省方絕祖武
清暑順天時
法從嚴番直
周廬肅羽儀
翟趨駝背展
匿匝馬頭垂
惟有都人士
長望雨露私
西內西城外
周圍十里中
草陰迷輦路
山色護離宮
翠殿光凝霧
璇題影曳虹
鳴鑾時一幸
草木盡祥風

吉日開名宴崇班列上公馬鳴金
乘裏冠耀玉玲瓏合樂
華夸混群羞水陸豐林林應述職能繼古人風
官曹多合署賈肆不常居事簡惟供億秋歸幸羨餘有人
磨鐵硯何日佩金魚直欲排閭闔猶疑畏簡書
水味分鹹淡嵐氛集莫朝烹炊心每厭衝冒疾偏饒斥鹵
元因海塗泥半是潮萬形皆幻寓隨分得逍遙

早濕如吳楚雄巖軼漢唐土牀長伏火板屋頗通涼
茵出沙中美椒生地上香忘歸滄海客直欲比家鄉

水草饒芻牧生涯富遠氓
裊簾聯雪屋馬酒溢瓊罌爛醉
無懷氏狂歌太古聲後車傾國色艷服更珠纓

聞說開都日雙龍據海中良何方獻策精衛竟成功靈去

為雲雨皇居世是燭壤電華紅虹黃圖三輔古載筆記昭融

扈從多餘暇優游視草堂持書兼左右染翰侍明光簡峻
程休父雄深馬子長長微才無一技素食媿鷓行

次韻大學士康里子山公見寄二首

龍庭四面翠連峰碧草銀沙掩映中十二天街清似水門
前琪樹動秋風
瀛島高飛孤鳳凰不知人世有炎涼獨憐短翮羈棲苦五
色文章照眼光

詐馬行 有序

國家之制 乘輿北幸上京歲以六月吉日命宿衛太

大臣及近侍服所賜只孫珠翠金寶衣冠腰帶盛飾

名馬清晨自城外各持綵杖列隊馳入禁中於是
上盛服御殿臨觀乃大張宴為樂惟宗王戚里宿衛
大臣前列行酒餘各以所職叙坐合飲諸坊奏大樂
陳百戲如是者凡三日而罷其佩服日一易大官用
羊二千馱馬三匹它費稱是名之曰只孫宴只孫華
言一色衣也俗呼曰詐馬筵至元六年歲庚辰忝職
翰林扈從至上京六月廿一日與國子助教羅君叔
亨得縱觀馬因賦詐馬行以記所見

華鞍鏤玉連錢馳彩輦簇纓朱英重鈎膺障顙鞞鏡叢星
鈴絃校聲瓏瓏高冠豔服皆王公良辰盛會如雲從明珠
絡翠光籠葱文繒縷金紆晴虹犀毗萬寶腰鞵紅揚鑣迅

策無留蹤一躍千里真游龍渥注竒種皆避鋒藹如飛仙
集崆峒乘鸞跨鳳來層空是時間闔含薰風上京六月如
初冬金支滴露冰華濃水晶殿閣搖瀛蓬扶桑海色朝曛
曛天子方御龍光宮袞衣玉璫回重曛臨軒接下天威崇
大宴三日酣群棕萬羊鬻炙萬甕釀九州水陸千官供曼
延角觝呈巧雄紫衣妙舞腰細蜂鈞天合奏春融融師瓘
虎嘯跳豹熊山呼鼉扑萬姓同曲闌紅藥翻簾權柳枝飛
蕩搖蒼松錦花瑤草烟茸龍岡拱揖灤水滌當年定鼎
成周隆宗藩磐石指顧中興王彛典歲一逢發揚祖德并
宗功康衢擊壤登時雍豈獨耀武彰聲容願今聖壽齊華
嵩四門大啟達四聰臣歌天保君彤弓更圖王會傳無窮

立秋日内庭視草

雞人應漏報新秋冠佩侵晨侍袞梳香業天光紆鳳尾玉
除雲影動螭頭花明錦繡未闌繞殿聳金銀寶氣浮生致
雍熙宵旰切代言深媿古人優

七月十二日奉

詔以香酒使曲阜代祀

孔聖廟作

葱葱佳氣擁龍光尊湛流霞手致香溫詔面宣乘驛使明
裡心報紱麟鄉金莖團露瑤臺潤紫菊含風翠瑣涼再拜
將誠思復命眼前彩鳳集朝陽

越五日別翰林諸友

分班扈蹕到灤京侍從官閑暑氣清聖主素知吾道重頒

香特遣孔林行中原廟貌山川古萬代綱常日月明虔祀
歸時迎大駕共陳經術贊承平

上京兩月得從容視草堂前華影重黃閣宣麻書數紙大
官尚醞日千鍾題名已媿聯群玉善頌惟知擬華封王事
期程行有日從今夜夜夢鼇峰

過槍竿嶺二首

風雨過槍竿升高不憚難黑雲侵帽濕碧樹拂衣寒孤
依危壁飛泉走激湍茅簷夢初熟笑我據征鞍
高嶺薄青天晨光晻靄間雲中數十里馬上萬重山金井
龍嘘霧青林豹隱班西風征袂冷俯視隘人寰

八月六日丁亥釋奠孔子廟三十韻

闕里宣尼宅儒林禮樂區右文昭代盛報德聖恩殊天語
頌中禁星軺發上都內廷香繞紫光祿酒浮壺持節慙專
對**禾**原慎載驅秋陽晞稼穡畫路足槐榆歷歷由沂汶行
行望泗洙岱宗標近甸魯殿沒荒蕪不見三家采唯餘五
父衢祀嚴柔日逼林近絕晨趨廢堞依修阜危臺記舞雩
廟宮參象緯書閣壓城闈反宇周阿峻迴廊百步紆蛟鱗
蟠玉柱螭首響金鋪庭迥檜千尺壇虛杏數株省牲新雨
霽釋奠舊章敷闢戶陳籩俎登歌應瑟竽尊居立聖儼侑
食列賢俱興俯錯珩珮周旋謹履絢裸將宸意達祝告下
誠孚明燎燁雲陞祥熏集寶爐共觀周典禮寧數漢規摹
似續於今盛欽崇自古無繚垣隆象魏穹石峙龜趺孤閣

青編貯雙亭翠竹扶山川光拱揖泉井澤沾濡推本尊師
道題名述廟謨佇看茂東帛豈復歎乘桴制作先東魯朝
廷用大儒愚生深有幸歸上孔林



望泰山作

維東有神嶽巍巍薄青天連峰蔽日月峭巖埋雲烟金銀
峙宮闕琅玕種成田蛟龍蟠壑底鸞鵠巢曾顛柴望紀有
虞封禪遂牽聯秩神匪有微彛典自古先崇臺瞻秀色魯
國無山川何時登絕頂豁目窮垓埏

壽大學士康里公

台斗儲光靈為時產英賢世德契真宰喬木陰森然瀛洲
置身早臺閣清名懸巖巖泰華尊肅肅珪璋堅法書魏晉

上國論臯夔前儀刑瞻獨步龍渥方自天貂蟬錯玉佩直
道鳴經筵金甌久有待勲業登凌烟軒冕雖衆同詩書能
自全斯文元氣在陽和小春先梅花兆鼎寶的磔芳信傳
敬持一卮酒仰祝莊椿年

題李奉使詩卷 并序

故通守滕李公嘗以工部郎中兩使安南招諭
前使時江南未附後使時至元二十年也其子
仕至吉安路通守其孫稷孟幽以進士為史官
暇日出示國初諸名公送行詩卷奉題二首

聖統開同軌儒臣使絕邊紫衣新命渥金節遠威宣驛路
梅花外蕃城海島前充庭來職貢風來到今傳

雕題歸正朔，口舌代干戈。氣運於今盛，人材比古多。郎君登臚仕，孫子擢巍科。文物聲鄒魯，勲名少伏波。

九月十七日承 詔篆追號

明廟璽文錫宴中書，有衣幣之賜。隆號先朝並兩儀，詔新璽鞞似生時。俯摹倉頡星辰篆，仰寫重華霜露思。天派千年皇統正，卿雲五色采豪搗。金泥玉檢人文炳，拜手惟歌湛露詩。

十月四日

今上親祀太廟前期備法駕宿齋，是日漏下二鼓行禮。天清星朗，熙事告成。伯琦忝下執事，謹賦七言八句

以頌

曉嚴法駕謁雲從太室明裡屬孟冬圭袞龍章虔酌獻簫
韶鳳舞盛儀容華星綴露壺聲永瑞靄騰空燎影重大禮
慶成宗社幸坐看寰海頌時雍

十一月廿八日承

詔篆題宣文閣榜作

詔題宮榜號宣文延閣山儲盡典**填**自笑蟲魚箋爾雅敢
將蛇蚓傲凌雲明經重席從今見妙選登瀛在昔聞**此**屋
可封知有日經天緯地是吾君

賦得伏神洞送述律存道元帥赴雲南

洞在群柯南崖伏神
多奇狀飲其水者壽

山洞生靈藥圖經紀令名牂牁春漲森爨道暮烟明沃壤
三巴徼奇形二氣精趾顛侔罔象翼啄儼飛鳴潭菊增眉
壽胡麻益體輕化工均異品傳舍識初程草暖蒸袍服屐

嵌偃使旌垂囊辭意次聞笛想英莖香透仇池穴風清細
柳營獻芹隨謝表偉績最南平

山阿主 至正改元歲辛巳正月廿八日由翰林修撰特拜

宣文閣授經郎兼 經筵作

詞垣三組歎才難 翰林修撰同知 國史編修官故云 三組 制設兼 延閣橫經益

汗顏子佩盡來宗 二丞相領之人 胄貴儒冠忝後相臣班 經筵以左右

文經緯星辰上聖道流行宇宙間咫尺天光如下聽翊堯

敢不竭愚頑

四月十二日扈從 乘輿汎舟西山玉泉次韻左

丞許公可用紀事二十韻

首夏清和候西郊山水鄉飛龍方利見鳴鳳盡高翔遊豫

三農慰巡觀八駿驟禾虹明斗蓋文鷁緩風檣劍佩鸞聯
序貂璫鴛肅行珍羞移寶養膳琛贄自梯航警蹕乾坤廓旂
旌日月揚五雲光郁郁九奏韻鏘鏘霧閣藏蓮界霞杯湛
桂漿洞巖晴拂黛草樹畫生香探妙由仁智怡神在弛張
紫鱗依密蔭朱鷺戲回塘御榻瑤為陛離宮錦幕廂詩人
詠靈沼史氏紀昭陽辛歲名立政登庸盛賡歌輔弼良靈祇
訶地勝畿甸拱天光熙洽當今日都俞集一堂宅中應錫
福治泰更色荒相業嵩衡峻詞源江漢長餘波私幸及播
頌殿西廊

欽承

制書追封曾祖妣方夫人鄱陽縣君作

每慚不學忝曾孫幸拜殊恩及九原鄉國君封蘭檢絢里

元詩選歌陽元至至
集試院唱和詩注去仁
宗慶甲寅始始始
科復事元統三年後
科復事元統三年後
傳科已七年矣至
詩云至甲寅與郡國
賢威儀童見甲寅
前杏園花皆考三
月桂苑花銷又七年
其歲月俱可致也

閭母範柏舟存百年先志賞長夜今日天光照一門南望
故阡鄱水上白虹隱隱擁魚軒

三遷遷嚴訓劇辛勤菽水終身卓行聞特命遂沾新詔墨遺

芳總出舊書芸鳳岡宰樹明晴旭崔表墳門藹宿雲翠琰

鏡銘昭不朽金鸞相望瑞網緼

是年復科舉取士制承中書檄以八月十九日至

上京即國子監為試院考試鄉貢進士紀事

上國興王地神州避暑宮規摹三代廓聲教萬方隆至正

儒科復留司造士充周南麟趾厚冀北馬群空積雪寒無

夜清秋月正中氈闈環壁水彩筆扇祥鳳殿陳寧韜劍先

登不待弓豹斑開曉霧雉羽爛晴虹障候瞻鄒魯都人想

鎬豐簾分堂上下區列院西東副楮鴉行蠟緘名畫烏燕
屬防周四署塗抹眩雙瞳理到無優劣辭修有拙工神明
終日鑿造化四時公讎校稽魚豕銓題辨鷄鴻固知散繫
博敢以贖為聰天淨文星麗寒收士氣叢臺萊浮渭洛杞
梓出恒蒿偕計先章甫前驅軼小戎有人爭覩鳳何處兆
非熊合志官聯樂連床語笑同獸鑪團炭熾魚燭綴花紅
雕豆羞肴炙金卮奉酪醕環廬帷毳罽侍史服貂鼯局鏑
度朝暮閤兵慎始終更移壺滴漉銜報鼓籠銅事憶歐蘇
遠詞懷賈董雄驛程心歷歷雅奏日泯泯聖統乾坤久人
文日月崇灤河天上出銀漢定相通

九月一日還自上京途中紀事十首

九月灤陽道寒烟暗遠坳有山皆積雪無水不成冰獵犬
高於鹿鳴鴉大似鷹欲為風土記問俗果誰馮

驛程無里數窪阜峻還低落日明駝背晴沙響馬蹄草枯

人少聚地凍路無泥近市聞喧笑郵亭又旅棲

行宮臨白海金碧出微茫飼豹仍分署韝鷹亦有房射熊

名鄙漢祝網網德懷湯乾豆遵彝典人瞻日月光

牛羊群螻聚車帳亂星移翁牧因磽沃蓬留順歲時宛駒

馳不乏盧酒醉醉難支使客容儒服寒風莫向吹

侵晨度偏嶺凜凜氣何偏偏獨石出平地青山半似燕近郊

初見樹夾道更流泉向晚衣頻減羈懷始豁豁

龍門天下壯咫尺果寒暄雲氣東西接泉聲日夜喧柳榆

環岸塹瓜瓞擁籬樊頗似燕南道農家各有村

高嶺號槍竿危亭揭額顛四山皆培塿萬里盡平川草樹

秋猶秀水霜石半堅全蕨歸眼底佳氣鬱中天

洪贊地何高居人汲井勞二錢博升水百大曳修綯石亂

山餘骨沙深溪不毛豈知江海上終日歎波濤

懷來雖小縣城郭頗周嚴野市嚴兵騎溪橋颺酒帘唐碑

文未泯漢侯吏無覘山色青堪綴岡頭為少淹

北口七十二居庸第一關峭崖屏列翠急澗玉鳴環佛閣

騰雲霧人家結市闌馬前軍吏候使節幾時還

題李老谷觀音壁

青山如波濤洶湧無涯涘危標會其交拔地相對峙何年

鑿空翠瀟洒見佛寺雲烟護重關蛟龍固靈址松風振檐
鈴柳露洒窻紙雨花古巖空漱石飛泉駛孰知居庸北有
景乃如此境幽物色竒心豁眼無滓俯視征途中車馬塵
靡靡陟高重盤桓虛軒屢徙倚悠^然龍悟真幻上馬復少止
題畫楊妃調鸚鵡圖

朱顏髣髴怯輕寒欲托竒毛吐肺肝想得劒闕春日暮夢
中猶作海棠看

壽許左丞可用 九月六日

相國簪紳表朝家寵錫專泰階耀箕尾北斗柄奎躔德望
丘山重文章日月懸位隆持左轄機要職三銓山甫心常
敬阿衡任益堅蒼生歸化育士類面陶甄史繼龍門志經

傳鳳穴賢紫薇明曉日黃菊爛秋天善治真儒效斯文元
氣全媿從門下後仰祝八千年

十月十二日奉

詔以玉德殿西室為宮學大宿

衛官等二十五人行弟子禮作

學校尊崇盛典揚

詔

遷玉德殿

殿

西廊大官供帳調珍膳

內相傳宣飲御觴授業慚無師道立明倫喜見國家昌皇
風即日還三代杞梓榷楠盡棟梁

十一月廿八日

明仁展進

講作

龍旂簇伏

伏

曙光融漆幄橫經聖意隆上界星辰環北斗中

天日月轉重瞳寶猊篆媚寫凝霧瑞獸鑲明殿繞虹垂拱
無為猶訪治萬方聲教一時同

伏承 恩賜青貂裘作

貂納古來稱貴服龍光此日被寒儒金闈通籍聯環衛玉
署傳經忝範模挾纊虛言良足鄙賜袍巧制未為殊微軀
長在春風裡願播陽和徧九區

明日承 詔篆宣文閣寶作

閣壘新成勅摹篆昆吾試手盡豪芒六書點畫原河洛八

法鈞盤本籀倉媯泐膺符弘制作陶唐稽古煥文章泰元

神笑綿千葉微蕝欣依日月光

春秋運斗極日舜為天子
黃虜直圖封兩端有壘文

曰天皇符壘壘
之作肇于此

至正二年歲壬午正月 明仁殿進 講易恒卦

賜金織綠色對衣一襲作

匪頌異數待殊勲閣下鰥生亦與分壤奠色絲雲霧有天
機金縷鳳蛟文一時光彩生蓬華千載恩榮媿典坟佩服
終身傳世世美塙旦夕對吾君

進講紀事廿韻呈左丞許公可用

神聖躬皇極文明際盛時九重森伏衛南面闕書帷翠瑣
光風暢彤庭庭淑景遲貂蟬前領袖章甫序纓綬左轄心忠
告橫經旨細推貫珠平日蘊補衮百僚師黼宸頻紆眷朝
紳盡解頤講論卑馬楮謨獨儼隼夔尚醞承恩渥官聯被
化私退班宮漏換布武殿陰移延閣因趨候西清更重窺
天章奎壁爛香案岱嵩竒寶繪名宗晉銀鈎法取隋制精
新琇琤琢妙古壘彝群玉三山埒同文萬國來兢兢雖色

勃歷歷頗神怡軒栢屏排闥林花錦繞墀不才陪啟沃多
幸接追隨利見飛危象慙无湛露詩馬圖應再出垂拱仰
皇羲

紀恩三十韻 有序

歲壬午四月三日

上御宣文閣親試宣文閣弟子員講誦經史稱 旨賜臣伯

琦中統鈔五千貫弟子員繡衣材各一謹賦長

篇歌頌湛恩作

延閣曾霄上薰鳳九夏初北辰環象緯東壁爛宸居仙藥
雕闈絢香蒲翠瑣虛屏翔金鸞鸞研倚玉蟾蜍怪石森峰
巖飛鈴珮颯琚當陽咨岳牧稽古嗜詩書百揆敷言地重

宣文閣及宣學
皆上京地

惟進講餘虎門承制紉鳳關集冠裾黃卷陳香紫青衿拜
玉除唐虞彛訓闡周孔格言據下濟天容憚淵居睿思紆
菁莪深樂育棧樸廣涵灑鴻典張黌舍龍光照表闡楮緡
登上幣文綺出中儲聖德天同大竒逢古不如侍貂成贊
慶陞戟總誇譽開館卑瀛島榮儒陋石渠淪肌懷曠蕩撫
已媿庸疎視學瞻周禮闈門聽漢臚智崇群辟聳聰達四
門祛師道尊無上賢關競樂胥垂旒端建極錫服勢連茹
瑞麟團雲露禎符驗器車朝鳴阿閣鳳夕化北溟魚啟沃
資巖築訃謨起渭漁傳經後匡戴待詔列應徐惟有坤佔
畢何由效補苴文華歸藝苑治業本經畬四姓魁宗籍三
雍在直廬小詩先舞抃佳氣正扶輿

三月七日 廷試進士讀卷作

九重傳漏日方中
書獻賢能列至公
雞舌含香頌漢署
龍顏動色坐堯宮
彩翬隱隱窻明電
玉鳳冷冷幄冷度
風近侍
臯夔多啓沃
人才不減古時隆

越三日 奏進士榜名作

太平天子策賢良
詔問天人白玉堂
校藝盡遵周典禮
策名寧數漢詞章
風鳴松蓋雷聲殿
雨浥梨花雪色香
承乏幸陪諸老後
凌晨金榜出明光

是年五月扈從上京宮學紀事絕句二十首

東華西華南御天
三門相望鳳池連
煌煌太乙臨寰宇
殷毫周豐未敢先

元史楊寶因不夜傳
見世祖於大安殿撞崔
敬傳作大安閣占詩台

元史崔敬傳作鴻
禧殿又崔下第十
首二作禧

崔敬傳作睿恩
殿

曾薨復閣接青冥金色浮圖七寶極當日熙春今避暑灤
河不比漢昆明

右詠大安閣故宋汴熙春閣也遷建上京

五色靈芝寶鼎中珠幢翠蓋舞雙龍玉衣高設皆神御功

德巍巍說祖宗

同前

鏤花香素錯琳鏐金甕蒲萄大白浮群玉諸山環御榻瑤

池只在殿西頭

右詠洪熙殿

彤庭兩壁畫燕山絳闕金城掩靄間爭指乘輿來往路秋

風計日遂南還

同前

睿恩閣下瑣窻幽百寶明珠絡翠表內署傳宣來準備大

廷盛宴先初秋

玫瑰芍藥相間開寶閣十二擁瑤臺春風日日行天上人

道東皇六月來

數樹青榆延閣東
雲窻霞戶綺玲瓏
上林文鹿高於馬
時引黃鸞碧草中

榜題仁壽睿思東
星列鈎陳繡閣重
中使三時羞玉食
地涼不用暑衣供

頗黎瓶中白馬酒
酌以碧玉蓮花杯
帝觴餘滲得沾勻
洪禧殿上因裴回

冰華雪翼眩西東
玉坐生寒八面風
巧思曾經修月手
通

明元在五雲中

右詠水晶殿

鷓班百和作堅材
翥鳳翔龍四壁開
寶地曉張香積界
始

知天子是如來

右詠香殿

幄殿重檐薄帶低花陰柳色御階迷
耀綸鋪地香風度碧鑑清冰白晝淒

延閣圖書取次陳講帷日日集儒臣
墨池雲合天光絢東

壁由來近近北辰

右詠宣文閣

黷舍重開大殿西牙符給事藉金闈
吾伊日課繙青簡揮染還看寫赫蹏

紫燕交飛夏日長虎門風動撼倉琅
小侯飽泳詩書澤共擬臯夔佐廟堂

右二首詠宮學

金銀鑄佛坐流離玉樹珍筵供淨儀
殿殿西僧鳴梵唄福田億萬輩皇基

寶花千樹影扶疎曲檻回垣碧草腴
內豎飯牛開北苑玉

馭日日進醍醐

天閑八駿絡金羈仙仗排空立赤墀中有日磬勤剪剔畫

開翠幔障炎曦

北闕岩堯號穆清北山迢遞繞金城四時物色圖丹壁翠輦時臨喜太平

上幸西內望北方諸陵酌新馬酒彞典也樞密知院奉旨課駒以數上因賦七言

皇輿吉日如西內馬酒新羞白玉漿遙酌諸陵申典禮旋聞近侍宴明光鼓車未數漢千里廐牧寧推唐八坊天騎常隨龍上下明朝樞密課駒忙

周翰林近光集卷第一

周翰林近光集卷第二

元 鄱陽周伯琦伯溫甫著

賦得灤河送蘓伯修參政赴任湖廣

清灤悠悠北斗北千折縈環護邦國直疑銀漢天上來搖
漾蓬萊雲五色蛟龍變化深莫測金蓮滿川淨如拭
鑿輿歲歲兩度臨雨露同流草蕃殖長亭短亭來往人朝
夕照影何嘗息相君親授臨軒敕紫駟嚼黃金勒却從
江漢望龍岡三疊晴虹勞夢憶

水晶殿進講周易二首

菲菲綠霧浮貂蟬濟濟講筵優影搖蠹簡三千字光

龍章十二旒瑣闥洞開光不夜珠簾澄徹氣長秋寶箴

賦曰北三廳在
五色元符
此本同不必改

擬獻**任**心切氷柱何庸險語鏤

玉**躩**璇題珠闥風牙籤錦標徹宸聰天臨寶鑑虛空**上**人
在氷壺皎潔中列聖皇明齊日月百年文物爛雲虹抱經
莫訝儒冠冷映雪誰能禁籍通

古墨篇壽韓大雅參議

七月十九日

蒼松千歲姿靈根伏琥珀吐氣結晴雲化作古玄壁清芬
婉芝蘭堅質等金石上進蓬萊宮遂冠龍賓伯磨**研**發春
英燦爛翻瓊液密傳鄒魯心仰爲羲周畫風雷興禮樂日
星耀方策豈惟儒者功實係斯文脉君子坐廟堂群生賴
茲澤良辰持此壽播譽永無斁

水晶殿進

講魯論作

聖皇曉御水晶宮香繞龍衣瑞氣融章句敢言禪海嶽
華蕩蕩與天崇
泠泠翠瓊度微風湛湛瓊漿注頰紅終日玉皇香案側不
知身在五雲中

天馬行應

制作有序

至正二年歲壬午七月十有八日西域拂郎國
遣使獻馬一匹高八尺三寸修如其數而加半
色漆黑後二蹄白曲項昂首神俊超逸視它西
域馬可稱者皆在羈下金轡重勒馭者其國人
黃鬚碧眼服二色窄衣言語不可通以意諭之
凡七度海洋始達中國是日大明氣清相臣

秦進

上御慈仁殿臨觀稱歎遂命育於天閑飼以肉粟
酒漣仍勅翰林學士承旨臣夔夔命工畫者
圖之而直學士臣揭傒斯贊之蓋自有國以來
未嘗見也殆古所謂天馬者邪承詔賦詩題所
畫圖臣伯琦謹獻詩曰

飛龍在天今十祀重譯來庭無遠邇川珍嶽貢皆貞符神
駒躍出西洼水拂即叢爾不敢留使行四載數萬里

乘輿清暑灤河宮宰臣奏進閭闔裏昂昂八尺阜且偉
首揚渴烏竹批耳雙蹄縣雪墨漬毛疏駿擁霧風生尾朱
英翠組金盤陀方瞳夾鏡神光紫聳身直欲凌雲霄盤辟

丹墀却閑額黃鬚圍人服
龍詭譎鞚如縈相諾唯群臣俯
伏呼萬歲初秋曉霽風日美
九重洞啓臨軒觀袞衣晃耀
天顏喜畫師寫做妙奪神拜進
御林深稱旨學來相
向宛轉同一入天閑誰敢齒我朝
幅員古無比朔方鐵騎
紛如螳山無氛侵海無波有國
百年今見此崑崙八駿遊
心侈茂陵大宛黷兵紀聖皇不
却亦不求垂拱無為靖邊
鄙遠人慕化致壤奠地角已如
天尺咫神州首藉西風肥
收斂驕雄聽驅使屬車歲歲辛
兩京八鑾承
御壯瞻視騶虞麟趾並樂歌越
雉旅葵盡風靡迺知感名
由真龍房星孕秀非偶爾黃金
不用築高臺髦俊聞風一
時起願見斯世皞皞如羲皇
按圖書卦復茲始

賦得鳳凰臺送馮公勵參政之任浙省

丹鳳何年去崇臺對碧江
竒毛雲影麗遺韻浪聲淙
竹架琅玕實桐垂翡翠幢
峭峰晴旭抱絕岸暮潮撞
覽德時難再來儀瑞必雙
升高叢勝祭詢舊到耆龐
吳楚形無際屢闌語半咙
岡鳴應詠名雛伏定推龐
邈矣千年蹟如聞九舞腔
登臨瞻北斗歌頌藹南邦

雪巢詩為趙允升左司賦

京北人

巢居何所有積雪照昊宮
玉井撫太華陰厓瞰九峻
戶牖皆天成鸞鵠相追從
調息室生白吐辭夜紆虹
凝沍雖有時水玉儲心胸
坎象原氣和乾德函年豐
二竇默循環生妙無窮梁
園多文藻西嶺泥寂空孰
如一枝安中有澤

物功慙哉清若志宛矣前賢風

歲癸未正月十八日由授經郎陞除宣文閣鑒書

博士作

千官鵠立紫宸居丞相傳宣出玉除授業虎門儕下考陞
班鳳閣侍中書瓊林春繞唐瀛島緗帙星羅漢石渠拜服
恩袍慚不稱願因筆諫罄愚疏

越三日謝恩於咸寧殿入直即事

九重仙殿擁春雲穆穆天威蒞大昕華蓋風鳴蒼水佩寶
屏霧藹博山熏抱經重得承龍袞直閣惟知理蠹芸俯俚
循墻歌聖德百年禮樂際同文

二月十九日承 詔復兼經筵官是日進講

咸寧殿面賜卮酒作

隨班曉侍太微垣講席綸音忝特恩兼縮白麻垂澤渥一
卮雲液溥春溫緝熙共仰參亭毒啟沃長思固本根道統
有傳民極建巍巍文德照乾坤

同日承

詔鑒品題識閣中書畫作

五色雲中白玉堂牙籤犀軸絢天光古今績象丹青妙賢
聖傳心翰墨香游藝無為研闢奧列名第品媿蕪荒宣文
閣夙明星日羲畫箕疇並久長

宣文下直四絕句

閨苑春深花半開冷冷金水瀉瑤臺非雲非霧天街繞群

玉山頭駕鳳迴

亭亭翠栢倚朱闌
雲母牕扉逼暮寒
玉德殿前紅杏樹
數花猶作去年看

黃金鸞鷲碧流離
華闕晴開翠鳳旗
宿雨清塵催淑景
千門楊柳綠絲絲

千花張錦草飛香
冠佩趨朝進早湯
延閣風微清蹕近
中天奎壁吐光芒

夜坐偶成

清夜嚴城玉漏遲
杏花疎影散書帷
紅塵不到楊雄宅
石鼎焚香讀楚辭

三月廿二日侍從

聖上汎舟玉泉西山護國寺行香作二首

西郊柳暗曉風和巖谷鶯花散綺羅雙鳳引簫來閭苑六
龍捧權汎銀河祠宮星列天香藹閣道雲深禁蹕過九奏
虞韶嘉瑞集明朝齊唱上回歌

翠華游豫暮春天花滿長隄草滿川漁艇凌波遙擲網農
屨趁候競犁田皇情嘉共民心樂御氣能增物色妍析木
津頭多雨露從今四海屢豐年

七月六日上京慈仁殿進講紀事

紫宸肅肅講帷開冠佩如雲接上臺聖德乾坤同覆載陳
言海岱益涓埃涼風拂戶鳴金鑰細雨侵簾潤寶臺拜賜
霞觴春泱髓衢尊願見被埏垓

題海棠鸚鵡圖

阿環睡起霧綃輕淡抹朱鉛襯宿醒誰遣綠衣來伴語一
春心事在清明

還途居庸關中即事

飛泉噴雪濕征袍陟降驅馳不任勞石鑿馬蹄山路澀風
搏雕影午天高農場納稼收成早僧舍懸厓構締牢天府
輿圖稱第一金湯更用數函褒

立秋日書事五首

今日新秋節年年客上京菊花鬪豔蒲柳已無情空舍餅
儲粟寒蔬釜淪羹清貧儒者分歲月任呼噤

大駕留西內茲辰祀典揚龍衣遵質樸馬酒薦馨香望祭
園林邈追崇廟祐光艱難思創業萬葉祚無疆

國朝歲以
七月七日

或凡日天子與后素服望祭北方陵園奠酒執事者皆世臣子弟是日擇日南行

鐵利標山影金鋪耀日華龍迴秋歇雨燕落畫翻沙苑御

調驍騎宮官葺憶車長楊誰共賦滿耳沸寒砧上京西山樹鐵利

竿高數十丈以其下海中

涼亭千里內相望列東西秋猶聲容備時巡典禮稽鴉鳧

隨矢落獫豸應弦迷乾豆歸時薦康莊頌耄倪上京之東五十里有

東涼亭西百五十里有西涼亭其地皆鏡水草有禽魚山獸置離宮廵方至此歲必獵較馬

雲薄天澄霽風清晝益涼素商將奮振繁卉畏凋傷夢入

漁樵社身慙鵠鷺行歸裝知有日南國稻梁香

季長弟由國子生除侍儀舍人喜賦二首

成均高選典宸儀便佩金魚服紫衣舍人掌禮借紫衣金帶自昔朝

廷崇禮樂從今門戶益光輝
肅班臚唱嚴丹陛列侍官聯
接紫微坐想慈闈占鵲喜
遙瞻原上春令飛

先德深培似大椿拂雲枝
葉勢輪囷囊封鄉國湖山重聯

職清華雨露新書硯再傳
垂百世箕裘一髮繫千鈞鳳池

春近思波濶直

注 星槎上漢津

是歲先公贈官追封鄱陽縣子與先祖封爵同故有襲封之句

同前韻送季長南歸

新命天朝作羽儀
暫還慈侍戲班衣
一卮春酒長生壽
三錫恩綸九族輝
遠樹雲開山隱隱
小橋風歇草微微
經帷未遂陳情願
夢裏尊鱸欲奮飛

梅花吐白綠圍椿
路近江南尚卜春
乍別又疎文字樂
相思頓覺鬢毛新
高堂甘旨謀歸計
平日行藏任化鈞
壯志

莫辭來往遠潞河上派貫天津

郊祀慶成紀事三十韻

聖皇嚴報本盛典謹升煙練吉三冬首凝衷半載前治儀
遵簡質變食致清蠲王路依辰出帷宮宿次遷六龍扶日
御八駿轉星躔周陞觚符偶穹丘象體圓反初共鑒鏈視
滌庀牲牲碧漢銀河麗清霄璧月妍大裘華袞襲端冕璫
旒延濟濟簪纓從將將佩綬聯虎賁環衛複駒首薦壇先
豪鞞重蒲越陶匏間豆籩崇牙鐘在虞列璽案張氈高燎
馨香徹全蒸體物虔卮圭明繅藉雅奏動宮縣爵獻奠先
潼尊澄酒尚玄英莖歌颯颯干羽舞蹀蹀六變靈歆矣三
登禮肅然升中誠意格昭配孝思宣祝嘏恭承俎神釐答

自天祥光通夕燭熙事告晨竣漢時卑巫俗周官量史編
天移金闕近雲擁翠華旋筦籥晴雷殷旂常未鳳騫千官
班拱北兆姓頌尊乾歛福敷同宇流恩蕩八埏明堂朝正
盛寶鼎算方縣天保賡新雅思文詠舊篇靈祇訶社稷符
瑞效山川景命齊天運垂休億萬年

賦得蓮花漏送宗正祭爾直班公惟中赴淮東監

憲任

漏壺皆古制此制獨精竒昔自遠公叛今傳燕氏規範金
甯有量剡木箭相宜翠蓋旁承注芳心遞吐移潛機分晝
夜浮刻定千支頗憶仙人掌還疑太華池警言更嚴國典疇
旦肅官儀淮甸譙樓麗韓銘歛識垂繡衣朝發令編戶業

趨時祇恐徵書趨聽籌觀玉墀

除夕偶成

十載清班客帝都濕烟破龜笑珠迂一寒范叔惟袍緼四
壁相如少酒壚雪滿虛檐雙柏秀冰堅遠海萬林枯春風
已到屠蘇畔明月堯尊徧九衢

隨緣合蜡答年除桃板新書兩兩符久直承明思保障敢
塵郎府列依烏盤椒遂有鄰人送尊酒還將祿米沾白髮
慈親應遠念庭前諸弟綵衣娛

歲甲申三月陪平章康里公子山展墓作

東風拂面又清明共指西山曉出城楊柳數村烟外過杏
花十里雪中行鳳毛世表賢臣瑞馬踏人傳故相塋展罷

歸涂無限思一尊松下重班荆

送平章康里公子山之官浙省三首

宸心簡注久金甌分陝東南第一州夙望遂諧多士願先
聲已解遠人憂百年版籍承平久故國城池景物幽周翰
暫紆申甫步虞廷終待益皋謀

講帷啟沃寸心丹赤烏居東鼻吸酸家學於今揚世美廟
堂自昔歎才難湖山時雨浩封內錦繡春風散筆端知己
三生惟晉國大書勲業肯慙韓

中庭玉樹戲斑衣紅藥階前對紫微鐵石廣平新賦就風
流太傅一枰圍六經議論回天地平日情懷在布韋環名
固知前席近高名留共浙山魏

閏三月八日八直宣文閣

上命陳閣中前代禮器賜問制作之由具對稱

旨紀事二首

桃花開遍杏花開星仗侵晨幸閣來雲繞香猊騰藻井春
隨天步上瑤臺

堯日當中照小臣尊彝圭璧席前陳詔稽制度論三代却
笑當年問鬼神

興聖殿進講即事是日賜酒飲杏花下

穆穆西清講幄重黃封賜飲杏花中晴開步障衣籠錦香
沁流霞頰暈紅千載竒逢酣聖澤一時凡骨盡僊風相看
天上無它願與物為春四海同

西內進講即事

牡丹苞粟藥^上抽荷曲檻飛香綠漸多宿雨初收西掖靜青
陽共奏漢廷歌
游蜂趁暖雀相呼青杏懸珠碧草腴^上天上春光濃似酒來
禽華底倒宮壺

東便殿進講賜酒時牡丹盛開作

暖雲飛雨曉濛濛高下宮粧掩映中已染異香朝北極更
依芳影立東風

天顏每為講經怡錦繡叢中酒一卮因^笑笑^上沉香亭畔客清
狂只解賦新詩

詠西內芍藥

芳心有待却含羞，獨殿群芳弄媚柔。
不是紅雲連閬苑，定應絳雪積崑丘。

赭袍重擁翠雲裘，尚有春風數日留。
天女移來天上種，從今更不數揚州。

秋夜對月聞玉簪花香

虛館金猊歇，晚熏碧紗如水透。
幽芬素娥緩步多羞，溢微露，搔頭擁翠雲。

送拔實彥卿尚書監憲浙東

浙東使相舊天官，繡斧風霜白晝寒。
山聳金華蟠野岸，星明寶婺射秋湍。
江頭攬轡夫容豔，洞口題詩柿葉丹。
指日澄清歌載路，班衣趨召振臺端。

河東憲司檄聘考試貢士過井陘關二首

井陘如隧道平地立噴坑斗壁千尋峻羊腸百折盤泥深
崖石滑雨急野河湍猶有淮陰迹荒祠古樹寒

晉趙分形勝危關獨聳然綠坡頻入谷越嶺復登天土沃
惟宜萊民勤盡力田居庸當北望縣亘共山川

河東試院即事三首

虛堂靜院晝垂簾朱墨分曹憲令嚴兵衛重行昏兩立文
場何處聚星占豈無威鳳翔寥廓定有神蛟起蟄潛自古
河汾多俊乂會看異業佐軒炎

老槐儼立拂穹蒼庭戶森然白晝長地繞汾流常沮洳山
連松漢半微茫西河舊是詩書里曲沃今為農圃場蟋蟀

在堂秋欲莫絕憐儉俗尚陶唐

井陘西抵古并州千里迢迢亦壯游
出將承平忘習氣求賢尺一賁
林丘披沙思見河東賦佩印空慙
季子表文物低昂占世運誰能借
箸為前籌

太原道中即事

表裏山河號盛強太平民力盡耕桑
原田高下魚鱗比村舍橫斜鳥翼
張稚子負薪依曲逕老翁牧犢卧
前岡恍然風物皆吳楚只欠茅廬對
夕陽

過太行山

太行蒼翠挿秋旻疊嶺重關自昔聞
戰國東西分晉趙中原南北帶河汾
帝王都邑青青草豪傑勳名點點墳
鳥道

盤空頻立馬便從高處望飛雲

次韻趙子期侍郎延春曉直作

天門金榜日華東百辟趨朝仰六龍
玉食前陳常及旰功
棗列獻又迎冬雲生螭陛凝朱草
露綴鸞旂滴翠松直閣
儒臣今稷契丹心炯炯皂囊封

送參議王君寶之任燕南憲使

儒冠平步上青雲壯歲遭逢世罕聞
三輔共迎新刺史六
書元數右將軍滹河雨後沙無際
恒嶽霜前草自薰日報
平反怡壽母廟堂虛席竚奇勳

題大別山禹柏圖

大別山前古柏樹神禹當年手自栽
精靈上天宰冥漠根

茲得地形崔嵬蛟龍作枝辰角化金石為骨元氣胚誰其
配之魯庭檜空中雲霧時往來

歲乙酉元旦早朝大明宮

玉帛朝元萬國同衮旒南面對春風花明殿榻寤含霧香
汎壺籌渚繞虹九奏雲門黃帝樂半空華蓋太微宮青規
播物金穰兆長戴堯天頌屢豐

御榻前列紅白山茶梅花
迎春小桃十餘盆又殿上

縣香漏狀如毬燈中薰香篆旋繞以應十
二時制極精下置銀盆温湯浴綠毛龜

仲春八直四首

春雲澹澹雨霏霏翠柏蒼松十里圍曉漏催朝魚鑰啟時
看黃鳥隔簾飛

草芽未綠柳先黃曲檻重門輦路長冰雪初消流禁籞羊

城又見水湯湯

溶溶太液漲新波
瀉瀉鳧鷖點嫩莎
百尺飛虹通步輦
東西別館得春多

廣寒宮闕插青冥
一帶西山簇畫屏
霽雪光風融上苑
滿城春意護龍庭

寄呂仲實侍御

冠山主者繡衣君
里塾弦歌到處聞
石室舊編應入夢
草堂新構更移文
橋頭柳絮飄流水
谷口榆錢綴白雲
千里相望春又暮
坐懷書帶有清芬

五月八日上京慈仁宮進講紀事

黼宸臨西內
文臣侍大廷
曙光團露瓦
暑氣散風樵
香案

陳群玉彤帷對六經精微恭奏御淵默靜垂聽共際天顏
擇因承聖德馨瓊漿能洗髓霞醞可延齡臞體深淪泆丹
心欲鏤銘錦鋪川草碧龍繞甸山青芍藥搖樊檻粉榆護
翠輶省方虞典禮講學漢宮庭道統齊天地彝倫炳日星
八荒暨聲教萬國永儀刑

六月七日慈仁宮進講

清都虎豹肅重關文石晨趨講席班傍闕雲容開寶曆隔
簾山影擁青鬟芸編紺帙分章進玉_華金壘特詔頌聖學
有傳光大業前星左侍舞_{爛班}

七月七日同宋顯大學士暨經筵僚屬游上京西

山紀事二首

聯岡疊阜衛神都萬幕平沙八陳圖朝市星垣周社稷宗
藩盤石漢規摹官隄亘野豐青草禁籞深林暗碧榆地闊
天開到今日九重垂拱制寰區

盤盤絕頂撫崢嶸日盡天涯一掌平海氣騰空搖鐵剌山
風卷霧淨金城鞬鷹秋健諸首帳苑馬宵肥七校營相顧
依然情未已携壺明日約同傾

明日慈仁宮進講畢欽承

特命改授崇文監丞

參檢校書籍事是日同僚邀復游西山舉酒為壽
賦二首簡謝雅意

沙明潦淨路縈迴僧舍埋雲石點苔山影四圍青欲合草
花五色錦成堆起瞻北闕天光近坐醉西風野興催好是

清歡醇似酒更須海上訪蓬萊
故人意氣厚難忘况在皇州樂水陽管鮑于今無一二羣
夔自昔比尋常憑高喜隔塵鷺遠拂坐時聞草樹香便指
南山同獻壽直傾北斗累千觴

越四日供職拜觀

慈仁宮謝恩作

碧樹風微紫殿清衣冠鵠立侍前楹遺經畢講陳愚戇特
命中頒拜寵榮久汗清華多士駭獨憐驚怯聖君明同文
昌運齊天壽誓益涓埃罄此生

次韻宋顯夫學士馬上偶成

西望高榆夾岸垂行人六月著綿衣苑沙飽雨晴含濕露

草迎陽曉散暉華闕中天當北極穹廬千帳列重圍玉堂
仙伯消長日佳句盈囊髮漸稀

題朱元章畫青山白雲

南宮神邁將軍李寫丹青如潑墨水川雲江樹指顧間咫
尺吳山數千里小樓接棟山之陽孤舟檣櫂渡者將桃源
有路堪結隱欲排大粒觀園方

七月廿日欽承

特命以崇文丞兼

經筵參贊

官進講慈仁宮謝恩作

五雲深護碧簾櫳面錫綸音簡帝衷兩被特恩旬浹內三
登講席五年中光風蕩蕩乾坤大寸草依依犬馬忠既醉
流霞春泮髓卷阿拭目鳳棲桐

越三日恩賜衣幣紀恩作

香羅疊膩織春雲色幣含光涌浪文扈從清華皆近侍講
筵榮寵異前聞恩頒在筭隆嘖咲學之明經守典墳服拜
深慚濡翼刺垂衣共仰紹華勛

寓含紫菊

來時關北草初勻去日灤陽白露新
牕下紫蕤顏色好獨
延清興歎詩人

十月廿八日己酉臺臣傳

旨拜廣東僉憲賜四

品服入覲謝恩作

侍經屢得被恩綸特命乘軺紆外臣敢用六條明漢典要
令百粵沐堯仁繡衣春藹萱花茂金帶光浮荔子新聖德

如天何以報願持寸念答巖宸

皇華遣使見成周直指巡行漢禮優豈意非才登此選共
知淵慮徧南州巖廊公論應多忝烏烏私情得少酬萬里
舉頭天咫尺能忘珥筆侍前旒

受除南行有日作

朝聽勅目夕治裝眼底班衣拜北堂便養頗行

皇上念叨榮亦列憲臣行深秋鴈影湖邊月初臘梅花嶺
上霜平日齋鹽今日試羊城回首明光

題雲州老人劉壽雲詩卷

雲州州在萬山間萬騎年年來往喧獨向白雲深處住不
知人世有高軒

東阡種粟西畦菜鑿石得泉如蜜甜土酥瀹羹可供客饒
滕孫曾挽白髯

題述律存道元帥招安雲南徹里國部詩卷

文武全材信丈夫奇哉述律策勲殊銅標界海光東漢弁
服浮江格有虞日月照臨樓壇穴丹青點染犬羊圖還朝
自草平南表刻石燕然得比無

八月廿四日起行驛至通州作

聖恩優異許陳情苑駟南揚使者旌薄技豈堪陪侍從乏
才因得直承明親庭遙憶經年別官驛初行第一程禮樂
光華今日盛長看海晏與河清

周翰林近光集卷第三

元都陽周伯琦伯溫甫著

歲戊子五月將赴閩憲徵擢翰林待制兼國史院
編修官九月驛至京師送季長弟之任山南宣慰

照磨二首

間歲淮南送北征今從燕北餞南行三年一會難為別萬
里相思可奈情候館霜晴荒草白官河風盡片帆輕高堂
延竚班衣切安得聯翩奉壽觥

荆南巨鎮雄全楚控帶中原自古然江漢東流橫宇宙岷
峨西望接雲烟城環鶴澤流風在臺聳龍山盛事傳已侍
朝儀明大典要陳幕議繼前賢

送馮公勵大學士致政歸太原

中外揚名五十年，安車一旦賦歸田。
德星移次天光近，老圃宜秋晚節全。
滹澆冰堅橋路穩，井陘雪霽驛程便。
午莊未許裴公隱，淇澳重歌衛武賢。

送拔寶彥卿學士之任燕南憲使得雲字

風紀端治本，宵旰期憂分。
旬畿嚴首選，部封懾先聞。
桓桓梁棟具，燁燁黼黻文。
全才古云難，顯用今所欣。
玩弛日已甚，櫛萐得辭勤。
淑邪自涇渭，雅俗何猶薰。
鳳鸞一瑞世，鷓鴣不能群。
滹沱無驚波，恒嶽常豐雲。
春風吹玉節，駟馬鑣朱幘。
倉唐集喬木，草色迷川垠。
私懷惜暫別，衆願樹奇勳。

廟堂久虛席，泚筆揚清芬。

清明日同翰林遠至道待制顏元卿經歷危太樸
應奉鈇鳴謙編修游長春宮

休沐同真賞清明雪霽餘都城瞻壯麗仙閣挹高虛亭館
烟霞合園林錦繡舒桃源歸路穩爛醉任狂疎

送待制余廷心僉憲浙東三首

春雲陰似暮春雨細於絲史館承恩日都門祖道時星輶
行浙左米服照江湄忠孝應兼盡同深別後思

紬書功未盡持節命方隆已擅雄文譽還揚肅政風楊花
飛雪白芍藥舞雲紅咨度多餘力新詩寄便鴻

天台環海岸鴈蕩挿雲霄勝槩東南絕才人玉雪標訪遊
清暇足題詠逸懷超旅食京華客因君意也消

歲乙丑 天壽節拜賜 御酒作

前歲堯尊被海隅今年親拜帝觴餘已將雨露蘓封部復
立雲霄直禁廬此日河清占混一萬方春育圃吹噓長歌
既醉微生幸金鑑貞符更並書

送經歷伯顏忽都元卿僉憲河南

去年同赴金鑾名今日瞻君繡斧行治最吳公留舊愛名
優朱博懾先聲梁園柳暗靈臺寂汲水荷香列館清攬轡
長途多逸興幸將秀句寄遐情

五月八日陞除崇文少監兼經筵官拜覲

行殿二首

詔移闕節入紉書凡例森嚴媿學疎執簡七旬陳簿伎循

墻三命拜新除南薰歌藹無為治東壁光搖太乙居身際
承平恩遇渥敢將經術贊華胥

內閣重叨侍從班侵晨幄殿觀天顏絲綸垂問憐疏遠櫟
櫟無遺激鈍頑華蓋雲容寵閣道居庸御氣繞兼山都俞
不減唐虞盛輿頌中和沸九關

夏日閣中入直五首

金鋪蹲獸鑰銜魚碧樹沉白玉除留後命嚴番直肅五
雲深處掌圖書

水盤堆果進流霞中秘繕餘夕景斜畫舫逕從圓殿過鳳
麟洲上數荷花

東西二閣赤霄間百尺金莖萬歲山一道銀河天上出遙

分光潤散人寰

絳綃蹙蹙石榴明層柏高榆翠幄清延宇如天志伏暑彩
禽時作鳳凰鳴

流觴小殿曲闌紫波影簾櫳浸繡楹靜畫敲碁中貴語君
王避暑在開平

示兒宗仁還江右

鄱陽辭別一年多京國來逢奈喜何若王事期程難久駐宦
塗髮鬢已先皤祖宗門戶嘗艱苦家世詩書在琢磨言行
樞機當慎密倚門送汝更無它

寄季長弟山南

喜聞令弟宦荆襄聞幙優游日正長澤國波寒蘭芷秀渚

宮風細芰荷香唐虞治世難遭際羊杜高名要踵芳留後
石渠漸嬾拙眷令原上重相望

立秋雨

新秋雨未解似厭伏暑毒霏微過前林浙漉鳴幽屋枸杞
珠纓明雙柏翠幢沃推寔喜晝涼展卷理舊讀不才逢休
運文苑添豐祿報效慙荒疏奉持慎微獨古道雖荆榛人
心炯明燭唐虞豈難致稷契宜自勗側聞皂囊進屢見新
勅目折檻久不聞焚表矯庸俗君子欣同心芝蘭共芬馥
孔融常不寐杞園憂頗感寒暑有代謝日月有盈縮何以
陶我懷尊中湛醲醑

觀杜德常尚書所藏王晉卿畫春山霽景

光風蕩野晴旭柔翠屏螺鬟爛不收纖黃嬌綠迷遠近翩
翩好鳥如相求佳歌谷轉一逕幽石梁斜枕清溪流輕裘
緩帶何處客垂鞭安轡情悠悠尋花問柳不計路恍然身
世同浮漚頗疑青蓮夢天姥白鹿騰空蹴玄圃又疑華陽
揭句曲清泉碧石行處足熙寧駙馬思超軼前身定是唐
宗室豪端萬象窮微芒解衣槃薄非一日尚書知畫猶知
人三銓品第才必真每憐散客獨青眼虛齋挂壁同娛神
君不見謝家太傅心丘壑九達軒冕秋雲薄造裝東還竟
後時至今獲鶴俱寂寞鄴中林慮挿天外左轄雄文光皎
倍角中甲第良有待好對此山看此畫

時左丞許公可用
謝政居鄴

初秋同賈子貞監丞過內苑四首

五色雲中聳翠巒千巖琪樹洞門寒金銀宮闕青冥上白
晝還疑長羽翰

層甍星拱勢翬飛乾象盤盤百寶圍黼宸中臨同北極坐
齊七政運璿璣

碧漪清淺繞蓬壺翠蓋紅衣戲彩鳧十頃頗黎香滿路女
牛渡口料應無

苔散青趺石虎蹲樽亲若木擁端門綠楊影裏晴虹卧况
似靈槎泝古源

仲秋休沐日同崇文僚佐汎舟游西山即事二首

西郊爽氣薄西山山下平湖水接天十里春風荷蓋浪一
川霽景柳絲烟玉虹遙亘星河上翠閣雙懸日月前壯觀

神州今第一勝遊何啻儼飛仙

荷花深處汎樓船八面亭臺綺繡連晴鷺亂蒲迷弱纜寒
蟬落葉和絲弦蟹螯入手散烝最蓮實登筵果品先共倒
碧甯寧惜醉明時多幸侍甘泉

至正歲己丑仲冬

興聖西殿進講禹謨

疎直承明已四年殊恩重待五雲邊敢持橐筆依嚴陛喜
進詩書徹御筵雪濕龍樓延愛景春生鱗鬪圓祥烟陳
編何補唐虞治比屋風清沸誦弦

送鄒魯望赴北流令

經筵冠佩盡名流鄒子明經衆所優出宰遐方非小絀祭
親晚節更何求雲明五嶺千重驛風送三江一葉舟網功

名皆分內格陰深處是容州

送應奉林希元赴上虞命二首

詞臣出宰選恩優不負初年萬里游
冰雪春消河水長山川南去驛程修
近鄉不日臨花縣好事何人贈麥舟
身教坐看民德厚雉馴虎度徹宸旒

先子登瀛記昔年京城解后各欣然
每思推轂嗟前夢頗喜同僚續舊緣
野岸晴莎穿去鷁江亭雲樹急啼鶻
曹娥祠在無人間為拓殘碑寄日邊

至正庚寅孟春

代祀北岳等神簡同使劉學士

明仁殿上承香出有事山川萬里行
當宁致恭申望秩代祠薦祝格神明
中原形勝州城古正月風光驛路晴
宣

室歸釐堪計日聯鑣來往話平生

羨里

消息盈虛久已知三分天下肯輕為偶因錄易傳心學千古清祠表永思

比于墓

殺身非為欲成仁忍見殷宗入鎬幽黼呼裸將憐大雅墓門華表媿諛臣

山陽漢獻帝冢

山陽小邑漢遺城馬鬣荒蕪漢獻塋閨位餘分歸典午鄴
睛空受不臣名

過懷慶

即懷孟也至大末改今名

千頃膏腴壤群峰紫翠嵐人言大河北此是小江南林竹
深亭館灑泉響澗潭客衣塵土滿晚路屢停驂

掘金仍表地哭弟尚名坊孝烈神明感綱常日月光閭閻
安俗樸城郭樂時康書熟尊先輩河汾未易忘

其里有郭巨得金之

所表曰天賜孝子黃金之地又
刺客聶政所居名曰烈士坊

濟瀆祠留題三首

覃懷西上游清源疊嶂長岡綠翠垣膏沃連阡環樂土淵
冷一勺瀉高原盧仝井在寒蕪合裴相亭空古樹籛聞說
天壇多異跡晝鳴笙磬夜啼猿

邃廊峻殿奉祠崇神物蜿蜒貝闕中甘雨知時千里潤祥
雲幕曉石靈通林森叢竹黃兼綠花發辛夷白間紅石徑

蕭條盤谷近欲追隱跡恨忽忽

先公受詔沉龍簡刻石庭中四十年攀抱烏號俱已矣瞻

摩手澤尚依然明禋世使承榮遇勝槩重盟締宿緣千載

山川人物在續書嘉應亦華顛

至大辛亥先君郡侯為集賢司直奉

詔代祀況

金龍玉簡時天早有雷雨之應刻石紀其事距今四十年矣今致祠畢亦有時雨之喜遂紀於石並列庭中

孟州

河陽城下雨初收馬上逢春得自由直上北邙望吳越料

應寒食到蘓州

渡黃河作

中土多形勝山川獨厚深太行橫地脊河水貫天心春雨

田疇積晴雲野路陰客懷增浩蕩緩轡當幽尋

鞏縣 古教倉也

紅陳百萬積教倉表裏山河號富強海漕於今歸上國蕭
然小縣類山莊

北郊望洛中作

北郊障黃河隆然更迢遞曲如屏千疊遠若城萬雉河水
崐崘來奔猛沸鐵騎靡然循淇隈豈敢妄嚙噬高高倚天
外緱嶺聳雲際虎牢相鈎連要束犬牙制溫洛蕩其膺造
化清淑萃居然天地中大哉此形勢危級因登躋僕痛馬
欲斃曾巔亘平陸桑粟富樹藝小屋間荒冢累累不可計
我來二月初一雨浮埃曠壯觀愜夙聞四表得遙睇奠鼎
考龜食金湯遺來世智識或霄壤損大投其細裴徊千載

思下山復小榻

宋陵

杏花堆白菜花黃蔓草平少四野荒洛水無聲山日暮石
麟兩兩守空岡
奉先橋畔政和碑種麥人家護棘籬絕勝望潮亭下路浮
圖積雪浙江湄
隔岸青山拱墓門鵲啼狐舞欲消魂鄰人時見長蛇護千
載山靈念舊恩

虎牢關

黃河南岸虎牢關百尺天梯跬步艱楚漢雌雄如反掌舊
聞歷歷鬣毛斑

鴻溝

鴻溝一綫界滎陽
京索相望古戰場
水德久歸三尺劍
子房未必解興王

汴中

城外官隄百里長
嚴城萬雉固金湯
昔時殿閣今藩省
塔影依然對上方
金明四面漾清漪
舞榭游亭尚有基
野蝶閒鷗風日媚
百年禾黍自離離
湖石峻嶒勢拂空
鞭痕未沒九州窮
如今散作人間玩
珠樹瑤華一夢中

徐州

杏花村裏喜新晴
叢竹疎籬野雀鳴
三岸黃河山似戟
不知官路到彭城

寶應湖

寶應湖接高郵雙城湖
上起湖水四面流
昔時雙城號銅鐵
今日承平盡隳撤
銅鐵不可保
天地同長久
國家德澤長
如水貫穿九州
萬人喜直沽
穩運蘇州糧
京師飽喫高郵米

渡揚子江泊京口

長江天塹控南州
吳楚相望民物稠
萬里波濤趨大海
兩山巖壑障中流
魚龍噴薄瓜洲渡
燕雀喧嘩多景樓
舊壘更須誇鐵甕
清時久不識兜鍪

二月十六日到會稽

七十長亭到會稽危峰峭壁與雲齊
麥畦飽雨農家急松壑回風野路迷
禹穴神龍千載鎮越臺山鳥暮春啼
客衣塵土^脩然淨更欲乘流訪剡谿

明日代祠南鎮題飛流亭

會稽山水名天下南際滄溟北枕江
碧嶂千重盤洞府鑑湖一曲帶藩邦
漢唐疆域今無外王謝風流世少雙
萬里歲祠竣使事飛流亭上聽淙淙

游山陰蘭亭

承命祠越鎮已使窮勝槩積雨欣澄霽
平湖遂紆邁風林襟石泉雲山儼嵩岱
虛亭敞舊址曲水凝輕瀨紫蕤繁荆

枝繇陰翳梅檜守佐多時英賓朋間方外秩筵尚真率流
觴劇娛愛雖非修禊遊適興暮春會晉賢邈霄漢芳躅懷
風裁感慨憐昔屯優游幸今秦返擢首屢曰渴心塵欲溉
一曲倘從請嘉興或期再

還至錢唐浙省開宴湖山堂汎湖而歸紀事三十
韻簡道同平章諸公

高堂入佳境四坐來竒觀奩鑑開巨湖螺髻環群巒芡蒲
翠光行桃杏香風團樓臺森步障檣帆錯飛翰相國秉周
禮張宴欲罄歡款言勞行李遠自青雲端瓊漿湛百壺珍
膳羅千盤楚腰翻紫燕越蛾咲青鸞笙簫既逸奏絲桐亦
紛彈亂以大國歌雄渾天宇寬鶯雀啁簷櫳魚龍振波瀾

意深醉不辭儀具樂已殫主賦皇華詩諏度道里難賓奉
甘棠詠南國盤石安旅酬日將夕俎徹興未闌移庖窮賞
耽畫舫凌瀾漫碧隄長綬紫玉梁霽虹蟠川霞斂餘景郊
樹生空寒杳眇穿行雲低徊拂驚湍歸途各充然別轡頻
相看盛世不易逢迅晷如跳凡况承輟鈞樞竟日偕盤桓
稱觴企闕廷秩筵肅衣冠于蕃倚柱石同氣疑芝蘭飲醇
守規模携杖躋噴岬由來和不流乃見勲業完庸姿抱方
策夙志甘瓢算十年塵禁從一朝攝祠官曠遇索荷紫勵
報心輸丹快情念所素矢歌願無刊

杭守竇惟賢選遊水樂洞

輕舸平湖訪遠岑茂林修竹路沉沉石巖古屋諸天相海

眼飛泉九奏音晴雨晝涼酣列坐夕陽山影歎同襟清歡
竟日多賢守勝會何時約重尋

題孤山林和靖亭

孤山湖水上猶有隱君亭野鶴宵聲寂叢梅夏葉青薄雲

籠几杖微雨淨軒櫺坡老扁舟興高風作港名

山下有學士港東坡

蘇公守杭時月下訪和靖泊舟之所也故名

遊金山寺

江心一簇翠芙蓉金碧晶熒殿閣重隱士有緣來化鶴梵
王無語坐降龍鐘聲兩岸占昏曉海眼中冷湛夏冬八十
高僧供茗罷細談蘇米舊時蹤

遊焦山寺

涉江已閱裴公洞復訪焦先到此山險絕遠同巴蜀峽巋
然對峙海門關神蛟戲浪時潛躍野鳥巢林自往還建業
青山廣陵樹開軒盡在酒壺間

裴公洞即金山寺蓋唐裴公所隱之地石洞尚在焦

山寺乃漢隱士焦先隱居之所也

黃河舟中對月

汎舟遡長河河急月色明南風導飛帆岸濶波濤平近林
鳥雀棲遠岫烟靄生茲行道里遙已見草木更初春發燕
轅首夏還江程祿班敢咸遲官守常屏營何時歸計遂不
為世塵嬰

哭憲使拔實彥卿

清時多顯達名使忽淪亡氣槩萬夫特才華百代良燭妖

懸藻鑑剋兕厲千將搏擊風霜甚銓衡采椽當山濤公服
衆張敵法威強持節巡行遠觀風號令揚勢摧狐兔騰澤
被蚤徭鄉課最超恩級遷喬贊廟堂登瀛非左次移病輟
高翔畿憲重來肅民蠹自致戕埋輪聲震岳戢羽謗盈囊
遂有賀蘭役其如隴道長衆思還表著誰料困膏盲霄漢
無鵑鵲山川失棟梁朋知皆雪涕志士總嗟傷昔列儒班
日叨陪講席行音諧流水趣賞劇楔亭觴已矣惟荒^上悲
哉對夕陽形骸雲霧杳名姓簡編香幸有池中鳳竒毛續
世祥

驛塗還至通州二首

秩祀非同使碧雞出門苑馬踏春泥歸舟泊處榴花發千

樹鳴蟬麥穗齊

潞河上水似登天破浪雲帆借我便宣室復祠仍漢時薰
風入耳聽虞弦

詔篆西內宣文閣榜賜金織朝衣二襲作

西清延閣冠雲穹金榜高懸日月中殊寵何期沾舊侍弱
豪又幸徹重瞳堯仁天大文章煥周業龍興禮樂隆金織
章身筐篚厚石渠獻納媿竦侗

初秋同楊國賢太監咬住伯堅少監子貞監丞暨
僚屬重汎湖游西山

清商應候琯涼颼滌炎歊蘭臺多暇佚西郊共道搖凌晨
拂星露適興寧辭遙稼寶豐黃雲擊壤喧髻髻重巒霏濕

翠澄湖瑩水綃朱華擁綠衣弄影酣且嬌菰蒲漾藻景柳
槐咽殘蛸樓船汎中流雅會崇風標華韻振遠樹妙舞鷺
潛鱗霽虹駕文漪飛閣摩霄登臨劇賞眺沿河屢停橈
累觴互稱壽氣合笑笑語饒微陰起天際疎雨鳴林稍異芳
襲四坐霧裏群仙邀回頭擾擾中何啻萬仞超人生聚合難
難况際休明朝同班侍壁府峨冠聽雲韶茲游豈偶爾三
生舊相招宛然在瀛島孰謂非松喬羊謝素曠達李郭真
英翹懽惊各灑灑歸途盡陶陶攬勝猶未徧尋盟更聯鑣

題石丞相親寫墨竹贈集賢大學士吳行可

相君手種雙琅玕靈根得地元氣蟠清風白晝掃陰曠虛
心勁節參雲端鳳池幽賞忽見此簫韶隱隱來鷓鴣天真

灑落運生意筆力浩瀟迴狂瀾伯夷高潔伊尹任中立不
倚世所難瀛洲老仙永為好直道相期保歲寒

仲冬

詔行錢幣次

均

田視草內廷作

聖主憂時欲阜康綸音曉

承虞帝視

草非才媿子長西掖雪

南窓日

香周官

商幣無疆計唱罷金

奉

旨寫至正

王政由來

通蒼生

今日九

府新規

黃金

楮文

敢擬長

跡圖書

日大雪

神州當 日大雪

惇史待上瑞

千尺巖城幾萬重
屢豐

光奮蟄龍

鵠立侍通明盤
盤白玉京

壯觀朝野頌同聲
更化

乘亨會流泉
徹衆清天休

千載筆承平

次韻成誼叔尚書雪

田園作

憶昔同班逐隊群
鳳池坊近海波濱
署曹修史程功速
齋宿論文刻志勤
長夏曉衝深巷雨
高秋暮抱遠山雲
笑談會數清茶款
酬倡情濃薄酒醺
膠漆當時朋義合
炎涼此日秩資分
閉門慎守千人誠
一曲陽春雪裏聞

歲辛卯元旦朝賀作

玉衡應律東風細
金闕朝元瑞氣多
雪霽彤墀班隊肅
雲

浮黃道樂聲和寶華照宸香騰繞翠葆凌霄影盪摩既醉
宮壺歌聖德聯歸天陌緩鳴珂

送崇文太監楊國賢賢使祠西岳江瀆

祠官攝事輟論經天上文星即使星花滿晴川三漢輔鵲
啼雲棧幾江亭岷源廣澤尊群瀆華岳崇標翕百靈計日
歸釐侍宣室倚門望切莫稽停

至正十一年歲辛卯二月一日天下貢士及國子

生會試京師凡三百七十三人中書承詔校文

取合格者百人充廷對進士先二日鎖院凡三

試每試間一日十有二日揭榜時參政韓公伯高

知貢舉尚書趙君伯器同知貢舉予與左同李君

孟幽考試博士楊君士傑修撰張君仲舉同考試
收掌試卷則典籍毛君文在也諸公皆翰苑舊游
誠盛會也紀事四首奉呈

鳳凰銜詔下亭衢多士盈庭總八區
北斗光芒明策府東風生意滿皇都
墨池淨几環香鼎燭影疏簾聽漏壺
拭目慶雲華穀旦敢令滄海有遺珠

邃館高居切赤霄蓬萊弱水隔塵囂
棘圍重鑰兵行肅筆陳三廬士氣驕
春夜沉沉微雪下晴光蕩蕩宿陰消
預知天祐斯文意咫尺虞階奏九韶

朱卷如山品第公英髦脫穎策竒功
一時龍虎風雲會四海菁莪雨露同
人物古今需世用文衡高下與神通
官聯

盡是相知舊此會難逢賴治隆

禮闈半月得從容料峭春寒似早冬
警夜每聞三弄角論文直到五更鐘
鴈來遠路驚流景草茁開庭失舊蹤
得士共為天下賀明朝揭榜醉黃封

二月十二日禮闈揭榜傳

宣張宴各賜衣幣榜

魁曰李國鳳趙麟號鳳麟榜又有三家兄弟聯中
號棟鄂榜皆前所未見也賦詩紀事三首

昔聞士榜稱龍虎今見魁名得鳳麟
五色文章鳴治世百年禮樂際昌辰
蹌蹌堯閣惟空紀濯濯周郊亦漫陳
豈似英才能瑞國羽儀仁趾作王臣

蟾宮折桂幾如期棟鄂聯芳世所稀
恩榜高懸多士慶

星雙照一門輝雲津駕浪龍王躍霜塔題名鴈並飛迭奏
堦篔簹名和氣友于莫負老萊衣

峨峨鐵鴈啟嚴封奕奕貂蟬振士風賓造又逢三載盛
拔尤遂得百人雄上尊錫燕恩深露文幣頌衣色射虹
杞李臺萊皆在選皇圖地厚與天崇

清華亭雅集酬李左司孟幽

左司瀟灑樂芳辰邀客同留半日春小院桃嬌風淡淡曲
塘柳暗水粼粼杯行到手寧辭醉歌徹停雲各動神華髮
相逢情獨厚東山綠野迹俱陳

扈從詩前序

至正十二年歲次壬辰四月予由翰林直學士兵部侍郎
拜監察御史視事之第三日寔四月二十六日

大駕北巡上京例當

扈從是日啟行至大口留信宿歷皇后店皂角至龍虎臺
皆納鉢也國語曰納鉢者猶漢言宿頓所也龍虎臺在昌
平縣境又名新店距京師僅百里五月一日過居庸關而
北遂自東路至氐山明日至車坊在縉山縣之東縉山乃
軒轅縉雲氏山山下地沃衍宜粟粒甚大歲供內膳今名
龍慶州者

仁廟降誕其地故也州前有澗名薌水風物可愛又明白

語元周伯琦處從之。注曰入黑谷。今獨石口外迤東而折。今車多直。北十八盤。即曲且直。為六盤。見西一百

今黑谷過色澤嶺其山高峻曲折而上凡十八盤而即

領高峻曲折凡十八盤。伯琦所經由

地遂歷龍門及黑石頭過黃土嶺至程子頭又過摩兒嶺

至頡家營歷白塔兒至沙嶺自車坊黑谷至此凡

十里皆山路崎嶇兩岸懸崖峭壁深林複谷中則亂石犖

确澗水合流淙淙終日深旋數丈間有橋淺處馬涉頗難

人烟並村塢僻處二三十家各成聚落種藝自養山路將

盡兩山尤奇聳高出雲表如洞門然林木茂鬱多巨石近

沙嶺則土山連亘堆阜聯絡惟青草而已地皆白沙深沒

馬足故嶺以是名過此則朔漠平川如掌天氣陟涼風物

大不同矣遂歷黑嘴兒至失八兒禿其地多泥淖以國語

名又名牛群頭其地有郵亭有巡檢司關闡驛有甚盛居

者三千餘家驛路至此相合而北皆芻牧之地無樹木而
生地椒野苜香葱韭芳氣襲人草多異花五色有名金蓮
者絕似荷花而黃尤異至察罕腦兒云然者猶漢言白海
也其地有水濼汪洋而深不可測下有靈物氣皆白霧故
名其地有行在宮曰亨嘉殿關庭如上京而殺焉置雲需
總管府秩三品以掌之沙井水甚潔甘釀酒以供

上用居人可二百餘家又作土屋養鷹名鷹房雲需府宮
多鷹人也駐蹕于是秋必獵較焉此去納鉢曰鄭谷店
曰明安驛泥河兒曰李陵臺驛雙廟兒遂至桓州六十
里店桓州即烏丸地也前至南坡店去上京止一舍耳以
是月十九日抵上京歷納鉢凡十有八為里七百五十有

顧英武昌平山北
元世祖以善治大都
南為上都歲四月遷北
草青駕幸上都遊
暑八月草枯即駕還
大都歲以考考車馬
多出西郊居庸而使
臣之往來則古北口
並錄之元史中統三年
閏月庚寅朔州至開
平置驛此驛是也
四軍宣德至開平
置驛西遊也

奇為日二十四大抵兩都相望不滿千里往來者有四道

馬曰驛路曰東路二曰西路東路二者一由黑谷一由古

北口古北口路東道御史按行處也予往年職館寓邸屢

分署上京但由驛路而已黑谷輦路未之前行也曰忝法

曹肅清

轂下遂得乘驛行所未行見所未見每歲扈從皆國族大

臣及環衛有執事者若文臣仕至白首或終身不能至其

地也寔為曠遇所至賦詩以紀風物得二十四首惜筆力

拙弱不能盡述也雖然觀此亦大略可知矣鄱陽周伯琦

自叙

自叙

INTERNATIONAL CENTRAL LIBRARY, TAIPEI, R.O.C.

紀行詩

乘輿繩

祖武歲歲幸灤京，夏至今年早山行。久雨晴日瞻黃道，肅夜拱北辰。明隨步窺形勝，周諏記里程。

昌平古名縣，諫議遠流芳。石闕清谿急，林昏暮樹蒼。市闌雲聚散，關嶺斗低昂。輦路平如砥，靈宮全異香。

居庸東北路，草細一川平。夾岸山屏展，穿沙水帶縈。六龍扶日御，萬騎擁雲旌。遊豫諸侯度，懽歌兆姓迎。

縉雲山獨秀，沃壤歲常豐。玉食資原粟，龍州記渚紅。荒祠

寒木下遺殿，夕陽中誰信。幽燕北翻如，楚越東

右縉山不食名龍慶州

車坊尚平地，近嶺畫生寒。拔地數千丈，凌空十八盤。飛泉

通賢金華集卷之四
和詩注奉朝天曆
昌平縣官宮
始慶遠諫後

亂石危磴護重關俯視人寰隘真疑長羽翰

右八盤嶺

踰險夢頻悸循夷氣始愉千巖奇巨壑萬壑勢爭趨峭壁

劍門壯重梁星渚紆凡鱗期變化雷雨在斯須

右八盤嶺

嵐翠摩台斗林霏隱日車谷深幽境迴路轉列峰斜錦石
歌瑤草蒼叢綴白花朵門成聚落山掩盡人家

萬幕懸崖下高低踈復稠闕墻聯虎衛幄殿聳龍樓榆柳

清長晝槐花颯早秋威容隆古昔神武鎮中州

群牧緣山放行營散野屯烟塵彌四望蜂蟻混前邨武

結言

當虞備邦謨要討論興王垂典則根本在元元

崇岡緜鐵壘疊巘匝金城地峻風烟冷人稀草樹榮萱開

膏夏晝麥秀比秋成雞犬知歸路牛羊認暮荆

新蒸因地利種執偏山阿村鴨吐居朴谿橋客徑頗通霄
陰霧重盛夏北風多僻境輪蹄絕桃源未是過

岫分蒼筤特厓谿洞門高丹雘張羅綺青林挺旆旄野花

金映轡沙韭翠侵袍苑馬驅馳慣長途步隱牢

山行三百里馬上不知疲谿潤淙淙急峰巒矗矗竒雲寒
蓬島曉雪霽會稽時風物無過此清緣有夙期

高嶺橫天出炎天氣候涼白沙深沒馬碧草淺連岡晨服
增繇纒寒鄉貴稻梁土風多國語閭井異尋常

晴川平似掌地勢與天寬烟草青無際雲岡影四圍貌貅

環武陣麟鳳擁和鑿高巖南山壽同承湛露懽

右沙嶺
首是日上

都土官遠迎至
內廷小宴

詩林韶漢王官
上有守序此奉
蓋脫去耳

嶺西通驛傳山盡見郵亭萬竈閭閻聚千轅驃騎營市

風策策野堠霧冥冥雄畧卑秦隴孤兵吠廣青

右牛群頭

涼亭臨白海行內壯黃圖貝闌明清旭丹垣護碧榆龍湫

時霧雨鷹著世衡虞駐蹕光先軌長楊只一隅

右察罕腦兒
猶漢言白海

地曠居人少山低雲影微石墻蟲避燥土屋燕交飛沙淨

泉宜酒天涼秋合圍朔方戎馬最芻牧萬群肥

右明安驛

漢將荒臺下灤河水北流歲時何袞袞風物尚悠悠川草

花芬郁沙禽語滑柔暮梁遺句在過客重綢繆

右李陵臺

桓州當孔道城築自唐時翊輔千年盛川原萬里夷草滋

新雨歇雲起遠山移迎送官僚君長懷被眷私

右桓州古
烏丸地也

蒲城勝槩一舍抵開平地蘊清涼界天開明錦繡城

靈轟駝鼓振霞絢象輿行填道都人士瞻前戴

聖明 右南坡

龍虎蟠清淑金湯據上游洛都光有漢豐邑啟成周宮鑰
專留守邦符統牧侯丕基彌億載廟勝熟良籌

黃屋如天運紆徐再決旬慶雲籠左纛甘雨淨前塵非避
炎曦烈將惇盤石親初筵均沛澤大訓共敷陳

巡守綏畿甸游從覽近風山川隨地異聲教此時同王業
艱難遠神都制作雄按行循故事不用避青驄

扈從詩後序

車駕既幸上都以是年六月廿四日大宴宗親世臣環衛
官于西內樓殿凡一二三日七月九日望祭園陵竣事獨

車轅皆南何彝典也遂以二十二日發上都而南是日積
六十里店納鉢明日過桓州至奉陵臺驛雙廟兒又明日
至明安驛泥河兒翼旦至祭罕腦兒由此轉西至懷禿腦
兒有大海在納鉢後懷禿腦兒猶漢言後海也曰平陀兒
曰石頂河兒土人名為妃央樂其地南北皆水樂勢如湖
海水禽集育其中以其兩水故名妃央或云水禽惟妃央
最多國語名其地曰遮里哈刺納鉢猶漢言遠望則黑也
兩水之間壤土隆阜廣袤百餘里居者三百餘家區脫相
比諸部與漢人襟褻老海頗類市井因商而致富者甚多有市
酒家貨至巨萬而連姻貴戚者地氣厚完可見也俗亦飼
羶力穡粟麥不外求而贍凡飼飼五牛名曰一具耕地五六

頻收粟可二百斛問其農事多少則曰牛幾具祭罕臘免
至此百餘里皆雲需府境也界是而西則屬興和路矣納
鉢曰苦水河兒曰回回柴國語名忽魯禿漢言有水樂也
隸屬州保昌曰忽察禿猶漢言有山羊處也地饒水草野
獸兔最多鷹人善捕歲資為食又西二十里則興和路署
世皇所創置也歲北巡東出西還故置有司為供億之所
城郭周完闌闌叢夥可三千家市中佛閣頗雄偉蓋河東
憲司所按部也西抵太原十餘里郡多太原人郊圻地陂
陀窳隰便種藝路置二監一守餘同他上郡東界則宣德
府境上都屬郡也府之西南名新城

武宗築行宮其地故又名曰中都棟宇今多頽圮蓋

大駕久不臨矣由興和行三十里過野狐嶺嶺上為納鉢
地甚高風寒凜栗不可留山多瘳确中央深澗夏秋多水
東南盤折而下平地則天氣即暄至此無不減衣者前至
得勝口宣德宣平縣境也地宜樹木園林連屬宛然燕南
有御花園雜植諸果中置行宮果有名平坡者似來禽而
大紅如朱砂味甘酸又有名忽刺必者比平坡又大味甘
鬆相傳種自西域來故又名之曰回回果皆殊品也得勝
口南至宣平縣十五里小邑也去邑三十里有山出瑪瑙
石可器又前至沙領沙深車馬涉者甚難又五十里至順
寧府本宣德府也此年因地震改今名原地沃衍多農民
元史地理志至元四年八月宣德府地震聖旨改宣德府為順寧府

有華見山嶺於
耶律鑄如漢
順寧府
地宜藍澱草頗有工染者亦善地也南過坳兒領路並

名下臨深澗險~~既~~可畏澗黃流浩汗東南數百里穿居庸
關流至京城南盧溝合~~水~~水勢甚大名為渾河每歲都水
監專其事否則為患不小領路參互四十里至雞鳴山疊
嶂排空懸亘二十餘里有小寺在山顛有~~權~~水泉所經
也望之如在半天邊山隘迫尤甚又南二十里乃平地曰
雷家驛京尹所治也雷家驛之西北十里納鉢曰豐樂豐
樂二十里至阻車納鉢又二十里至統幕則與中路驛程
相合而南歷狼居胥山至懷~~來~~縣縣唐所置也四山環抱
流注市有長橋水名媯川唐名媯川郡有碑可考縣南二
里納鉢也凡官署留京師者皆~~盛~~具牲酒果核于此候迎
伏駕仍張大宴慶北還也南則榆林驛即漢史~~衛~~青傳所

按此即前序所云西
站也

謂榆谿舊塞者自懷來行五十五里至媯頭又十里入居庸關關南至昌平龍虎又南則皇后店皂角大口馬遂以八月十三日至京師凡歷納鉢二十有四為里一千九百又五此輦路西還之所經也北自上都至白海南自居庸至大口已見前序故得而畧獨詳其所未經者耳國制凡凡官署之幕職掾曹當扈從者東西出還甲乙番次多不能兼惟監察御史

扈從與國人世臣環衛者同東西之行得兼歷而悉覽焉昔司馬遷游齊魯吳越梁楚之間周徧山川遂奮發于文章焜耀後世今予所歷又在上谷漁陽重關大漠之北千餘里皆古時騎置之所不至輒跡之所罕及者非我

統一大治平之久則吾黨逢掖章甫之流安得傳軔
建節擁侍

乘輿優游上下于其間哉既賦五言古詩十首以紀其實
復為後序以著其槩不惟使觀者得以擴聞見抑以志吾
生之多幸也歟鄱陽周伯琦述

紀行詩

懷禿腦兒作漢言後海也

侵晨離白海輦路轉西邁野光散^乎燕山容列修黛秋風
動地來曾波忽澎湃戎馬多驚嘶寒聲襲鞞帶踰岡覽晴
川夸曠襟抱快白花間紫蕤將將委珩珮幽興足目前絕
境疑方外旌麾匝雲屯輿帳擬

行在法從各有司諫垣敢荒急邊報叢遠函蒼黃盡吁恠
解鞍渴前村伏枕念當代王綱未旒綴群生半塵芥紆軫
誰與言沉思屢長嘔東南何時蘇吾欲問大塊

是日驛報
省有警**枕**

死央灤作

官路何逶迤里數不可度宿止有常程晚次死央灤山低
露草深天朗雲氣薄積水風颭颭平沙烟漠漠鳧鷖雜翔
集巨鱗倏潛躍居人歲取給遠眺僅一勺原濕多種藝農
奚犬牙錯滌場盈粟麥力穡喜秋**穫**舒徐八駿遊相羊瑤
池樂山川豈不佳人事日蕭索芻牧紓邦供征徭非昔昨
都人望翠華朝朝候靈鵠

興和郡

屬河東憲司按部西
抵太原千餘里

我行已旬浹所歷皆朔漠興和號上郡陂陀具城郭灤陽
界東履汾晉直西畧提封廣以遐編氓半土著連薨結賈
區^音樓瞰寥廓要會稱雄麗勢壓諸部落興王遠垂裕百
載承制作北巡必西還遠儼東邑洛供億頗浩緜撫循在
恭恪四鄰慎備虞三輔嚴寄託賢愚不同調^音沙與後鶴
長願四海清漢儀歲輝爍

野狐嶺

嶺界南北甚寒南下平地則暄矣

高嶺出雲表白晝生虛寒冰霜四時凜星斗咫尺攀其陰
控朔部其陽接燕關澗谷深^音巨測梯磴紆百盤坳坵草披
拂崎嶇石^音嶺屹輪蹄紛雜^音運我馬習以安况然九天上熙
熙俯人寰連岡束重隘拱揖猶城垣停翫^音履平地回首勢

望尊繇衣遂頓減長途汗流羈亭柳蔭古道園果登御筵
境雖居庸北物色幽薊前始悟一嶺隔氣候殊寒暄小邑
名宣平相距兩舍間牛羊歲蓄息土沃農事專野人敬上
官柴門暮款延休養嘉承平禹迹返古先漢唐所羈縻今
則同中原大哉輿地圖垂勅何其難張皇我六師金湯水
深堅

自順寧府歷坳兒嶺臨渾河上源過雞鳴山晚宿
雷家驛

郡治頗清曠民俗亦樸淳川原西成饒景物娛晨征登頓
未及晡修領忽前陳亂石森礧礧濁流奔汙汙斗屋鳴鴻
澗險逕緣郭銀園松暗日隄峯巘排秋昊海鷗奮凌風江

吹歛乘雲雞鳴俗語傳世遠昧所因招提據危顛畧勺損
天津睥睨窮毫苦翕忽輩鬼神六龍行中天壯觀齊崑崙
造設開闢先顯耀當茲辰垂髻耳已熟華顛目方親甚欲
恣冥搜赤日昏黃塵紀勝猶挂漏觀風能宣旬

懷來縣

山風日多寒近燕若秋陽懷來雖小縣肇置自李唐泉甘
沙井冽橋古川流長重岡相抱環遠山勢低昂

鑿輿歲西還傾朝迎道傍蟠桃百寶盤敬上萬年觴三登
調玉燭群黎樂康莊吾

皇仁聖君動必循彝章宵旰貽近憂苗頑尚跣梁所賴根
本固忍此枝葉傷思見萬邦寧野無遺賢良

榆林驛

漢史稱榆熟長塞即此也

昔人多種榆今人惟種柳堅脆雖不同氣盡同一朽此地
名榆林自漢相傳舊但見柳青青夾路忘炎晝行旅蘇汗
渴車騎藉陰覆培植將百年柯葉日滋茂驛亭當要衝人
烟紛輻湊崇山峙東西步障明錦繡輦路中平平形勝信
天授宛如道衡廬中流望雲岫初夏別都城攀條集親友
茲還秋將中涼颺滿衣袖物態有變容歲月如反手不問
柳與榆生意要悠久

入居庸關

出關復入關五見月上弦草木雖未霜寒風已凄然厓路
何紆縈疊嶂橫中天上太古石下有無底泉幽致良足

嘉萬雷奈喧
象寶轡鳴紫駝錦幟鮮鐵騎簇雲隊黃
屋循星躔時巡鑑風俗
法參後先達官國同休拔宅如
登仙細民終歲勞輸轉石若煎
苦樂殊雲泥使我中心悵
偶經巖谷勝復憶江湖
擢升高望白雲楚天浩無邊
王師未休息敢賦歸來篇

龍虎臺

在昌平縣境北距居庸關二十五里

巍巍百尺臺蕩蕩昌平原
隆隆鎮天府奕奕環星垣
居庸亘北紀與區擁全燕
蒼龍左蟠拏白虎右踞蹲
斯名豈易得天以遺吾元
仁明傳正統聖子及

神孫巡歸遂駐蹕衣冠照乾坤
山川皆改容草木亦被恩

章華民力竭柏梁侈心存豈若因自然張設一卑雄雄偉

國勢重簡儉邦本敦年年舉盛典宮中奏雲誓門

大口其地有三大垵土人謂之三疋痕距都北門

元史燕鐵不兒傳三禪著破廣廣開
遂遷屯三垵案即此三疋痕也

三垵何崇崇遙直都門北天肅烟嵐青野迴露草白紫氣

千里臨蛻旌拂秋色文武迨耄倪抃舞拜路側萬羊肉如

陵萬甕酒如澤國家富四海于以著功德詰朝御大明

湛露春拍拍簫韶殷九天歡聲溢遠陌非才忝扈從所職

陳典則

皇基奠泰山億兆宛安宅

夫惟

天子時^巡治古之令典儒臣扈從彌文之盛觀是故函有

簿以紀侍衛之名路有史以載見聞之實其來蓋已遠

矣維茲玄默執徐之歲朱明仲呂之月

當宇面南南服闕四方之路以盡多士之才執法侍

上上京持數寸之筦以申三尺之令於時鄱陽周君伯溫

褒然炎虛之秀膺是崇臺之除栗鷲羽之潔清從

翠華之密勿身歷乎山川之美固目覩乎星月之推遷

進而載馳載驅退而爰咨爰度抒思輒形諸清詠回轅

遂積乎佳篇彙以示余屬之叙引觀其幢幢行李之役

汲汲傾葵之誠螭頭舊傳載筆載筆其有述乎詳廡必

用識丁識丁况能賦者率爾卷端之弁詒諸柱後之冠
云翰林學士承旨光祿大夫知制誥兼修國史
冀罷歐陽玄書於視草堂

左右扈從詩并前後序二通今左丞鄱陽周公為監
察御史時所作也

國朝混一以來中臺南士之選

惟公居首公踐歷華要績孚名祿垂四十年深感遭
際形之著述一以贊規摹之大一以彰聲教之隆居
安慮危見於言外既而澄清蕃宣東南是賴短章大
篇奚啻千百未遑銓次預以是集鈔梓傳播以備史
氏纂一代之雅頌職方為全書者有所稽焉門生鄉

貢進士海昌賈祥麟麒謹題

